



სსიპ საქართველოს ტექნიკური უნივერსიტეტის
აკადემიური საბჭო
დადგენილება №01-05-04/118

მ. თბილისი

27 ივლისი 2023წ

**„საქართველოს ტექნიკური უნივერსიტეტის პროფესიულ სტუდენტთა შეფასების
ვერიფიკაციის წესში“ ცვლილებების შეტანის თაობაზე**

საქართველოს ზოგადი ადმინისტრაციული კოდექსის 61-ე მუხლის, „უმაღლესი განათლების შესახებ“ საქართველოს კანონის 21-ე მუხლის პირველი პუნქტის „ს“ ქვეპუნქტის, „საჯარო სამართლის იურიდიული პირის - საქართველოს ტექნიკური უნივერსიტეტის წესდების დამტკიცების თაობაზე“ საქართველოს განათლებისა და მეცნიერების მინისტრის 2013 წლის 9 სექტემბრის №133/ნ ბრძანებით დამტკიცებული უნივერსიტეტის წესდების მე-8 მუხლის, ხარისხის უზრუნველყოფის სამსახურის ხელმძღვანლის 2023 წლის 20 ივლისის სამსახურებრივი ბარათის და აკადემიური საბჭოს 2023 წლის 27 ივლისის №01-15-02/19 ოქმის საფუძველზე საქართველოს ტექნიკური უნივერსიტეტის აკადემიურმა საბჭომ დაადგინა:

1. უნივერსიტეტის აკადემიური საბჭოს 2022 წლის 15 ივნისის №01-05-04/70 დადგენილებით დამტკიცებულ „სსიპ - საქართველოს ტექნიკური უნივერსიტეტის პროფესიულ სტუდენტთა შეფასების ვერიფიკაციის წესში“ შეტანილ იქნეს შემდეგი ცვლილებები:

1.1. წესის მე-2 მუხლის პირველი, მეორე, მესამე, მეოთხე, მეხუთე და მეექვსე პუნქტები ჩამოყალიბდეს შემდეგი რედაქციით:

1) სტუ-ის ფაკულტეტის დეკანი ფაკულტეტის ხარისხის უზრუნველყოფის სამსახურის ხელმძღვანელის წარდგინებით, ამტკიცებს ვერიფიკაციის პროცესის ჯგუფს შემდეგი შემადგენლობით: ფაკულტეტის ხარისხის უზრუნველყოფის სამსახურის წარმომადგენელი, ვერიფიკატორი დარგის კუთხით, პროფესიული პროგრამის ხელმძღვანელი/პროფესიული მასწავლებელი, პროფესიული სტუდენტი. ჯგუფს ხელმძღვანელობს ფაკულტეტის ხარისხის უზრუნველყოფის სამსახურის უფროსი.

2) ფაკულტეტის ხარისხის უზრუნველყოფის სამსახურის ხელმძღვანელი, ვერიფიკაციის ჯგუფის წევრების ჩართულობით, პროგრამაზე სასწავლო პროცესის დასაწყისში (10 დღის ვადაში) ადგენს ვერიფიკაციის გეგმას, რომელიც უნდა ითვალისწინებდეს:

შეფასებისას გამოყენებული ინსტრუმენტის ვერიფიკაციას, პროცესის ვერიფიკაციას, მტკიცებულებების ვერიფიკაციას.

- 3) ვერიფიკაციის გეგმა შედგენისთანავე უნდა შეთანხმდეს სტუ-ის ხარისხის უზრუნველყოფის სამსახურთან.
- 4) ვერიფიკაციის ჯგუფი ვალდებულია შემუშავებული გეგმის შესაბამისად უზრუნველყოს თავისი ფუნქციების შესრულება პროგრამის სასწავლო გეგმის მიხედვით მოდულების რაოდენობიდან გამომდინარე მთელი სასწავლო პერიოდის განმავლობაში.
- 5) ვერიფიკაციის პროცესის ჯგუფი ვერიფიკაციის დასკვნას ფაკულტეტის ხარისხის უზრუნველყოფის სამსახურის ხელმძღვანელს წარუდგენს ვერიფიკაციის სამუშაოების დასრულების შემდეგ.
- 6) ფაკულტეტის ხარისხის უზრუნველყოფის სამსახურის ხელმძღვანელი, ფაკულტეტის დეკანს, შემდგომ კი, სტუ-ის ხარისხის უზრუნველყოფის სამსახურის ხელმძღვანელს და სტუ-ის პროფესიული საგანმანათლებლო პროგრამების ცენტრის უფროსს წარუდგენს დეტალურ დასკვნას განხორციელებული საქმიანობის შესახებ ვერიფიკაციის ციკლის დასრულების შემდეგ.

1.2. წესის მე-3 მუხლის მეორე, მერვე, მეცხრე და მეთათე პუნქტები ჩამოყალიბდეს შემდეგი რედაქციით:

- 2) ვერიფიკაციის პროცედურა დაფუძნებულია დოკუმენტური კვლევის მოდელზე, რაც გულისხმობს არსებული შეფასების ინსტრუმენტების და მტკიცებულებების შესწავლას. ვერიფიკაციის პროცესი არ გულისხმობს ყველა სტუდენტის შეფასების დოკუმენტური მასალის შესწავლას, ვერიფიკაციის ჯგუფი წინასწარ განსაზღვრული რისკ-ფაქტორების ანალიზის საფუძველზე მოახდენს შესამოწმებელი შეფასების ინსტრუმენტების, პროცესისა და მტკიცებულებების შერჩევას.
- 8) რისკების სისტემა ითვალისწინებს შემდეგ გარემოებებს: დამწყები პროფესიული მასწავლებლის ფაქტორი; ახალი პროფესიული მასწავლებლის ფაქტორი; შეფასების ინსტრუმენტში პრაქტიკული დავალებების სიმრავლე; ერთი ინსტრუმენტით, ერთდროულად შესაფასებელი სწავლის შედეგების რაოდენობა; საგანმანათლებლო სტანდარტის ცვლილება; სხვა ობიექტური გარემოებები, გაუთვალისწინებელი რისკები. თითოეული რისკ-ფაქტორი ფასდება უმნიშვნელო, მნიშვნელოვანი და კრიტიკული რისკ-ფაქტორად.
- 9) ვერიფიკაციის პროცესში ჩართული პირები პასუხისმგებლები არიან ისეთ პროცედურებზე როგორცაა:
 - ა) ვერიფიკაციის გეგმის შედგენა;
 - ბ) ვერიფიკაციის სამიზნე ინსტრუმენტის შერჩევა;
 - გ) შესამოწმებელი ინსტრუმენტისა და მტკიცებულებების გამოთხოვა;
 - დ) ვერიფიკაციის დასკვნის პროექტის განხილვის ორგანიზება, შეთანხმება ფაქტობრივ გარემოებებზე და რეკომენდაციებზე;
 - ე) რეკომენდაციების შესრულების მონიტორინგი.

10) ვერიფიკაციის ჯგუფის წევრები - მონაწილეობენ ისეთ პროცედურაში, როგორცაა:

ვერიფიკატორი (ხარისხის უზრუნველყოფის სამსახურის წარმომადგენელი)

- ა) რისკების ანალიზის საფუძველზე ინსტრუმენტებისა და მტკიცებულებების ფიზიკური იდენტიფიცირება და გამოთხოვა;
- ბ) ინსტრუმენტის მოდულით განსაზღვრული შეფასების მიმართულებასთან შესაბამისობის დადგენა;
- გ) შეფასების დროის საკმარისობის შეფასება;
- დ) შესაფასებელი პირის წინასწარი ინფორმირების მექანიზმის შემოწმება;
- ე) შეფასების პროცესის ფაქტობრივი გარემოებების შემოწმება;
- ვ) მტკიცებულებათა შეფასება ობიექტურობის თვალსაზრისით;
- ზ) ვერიფიკაციის დასკვნის პროექტის შედგენაში მონაწილეობა;
- თ) რეკომენდაციების შესრულების მონიტორინგი (საჭიროების შემთხვევაში).
- ი) ანგარიშგება რეკომენდაციების შესრულების შესახებ (საჭიროების შემთხვევაში).

ვერიფიკატორი დარგის კუთხით - პროფესიული პროგრამის ხელმძღვანელი, პროფესიული მასწავლებელი

- ა) ინსტრუმენტის შინაარსობრივი შეფასება ვალიდურობის თვალსაზრისით;
- ბ) მტკიცებულებათა საკმარისობის და ვალიდურობის შეფასება;
- გ) შეფასების გარემოს (A, B, C) შესაბამისობის შეფასება;
- დ) შეფასების პროცესის ფაქტობრივი გარემოებების შემოწმება;
- ე) მტკიცებულებათა შეფასება ობიექტურობის თვალსაზრისით;
- ვ) ვერიფიკაციის დასკვნის პროექტის შედგენაში მონაწილეობა;
- ზ) რეკომენდაციების შესრულების გეგმის შედგენაში მონაწილეობა (საჭიროების შემთხვევაში);
- თ) რეკომენდაციების შესრულების მონიტორინგი (საჭიროების შემთხვევაში).

1.3. წესის მე-4 მუხლის მეხუთე პუნქტი ჩამოყალიბდეს შემდეგი რედაქციით:

- 5) ვერიფიკაციის დროს გამოვლენილი რეკომენდაციების დადგენის შემდეგ ხდება შეჯამებული პოზიციის გაცნობა პროგრამის ხელმძღვანელისთვის, პროფესიული მასწავლებლის(ები)თვის და დაწესებულების სხვა პერსონალისათვის.

2. „სტუ-ს შეფასების სისტემის ვერიფიკაციის პროცესის სქემა“ (დანართი 1) ჩამოყალიბდეს თანდართული რედაქციით.

3. წინამდებარე დადგენილება ძალაში შევიდეს გამოქვეყნებისთანავე;

4. დადგენილება შეიძლება გასაჩივრდეს გამოქვეყნებიდან 1 თვის ვადაში თბილისის საქალაქო სასამართლოში, ადმინისტრაციულ საქმეთა კოლეგიის მეშვეობით, მდებარე ქ. თბილისი, დავით აღმაშენებლის ხეივანი მე-12 კმ, №6.

აკადემიური საბჭოს თავმჯდომარე

დ. გურგენიძე

აკადემიური საბჭოს მდივანი

ი. კუტუბიძე